

**ADMINISTRAZIO KLAUSULA PARTIKULARREN ETA XEHETASUN TEKNIKOEN
PLEGUA PUBLIZITATE AGENTZIA BATEN KONTRATAZIORAKO**

I: KONTRATUAREN EDUKIA

1. KONTRATUAREN XEDEA.

Plegu honen helburua da Juan Crisóstomo Arriaga-Bilbao Orkestra Sinfonikoa Fundazioarentzako (aurrerantzean BOS) **PUBLIZITATE AGENTZIA** bat kontratatzea, kontratu izaera izango duen txostenean datozen zehaztasun teknikoekin bat etorritz.

Kontratatu nahi den zerbitzuan honakoak sartuko dira:

1. Iragarkien kudeaketa, tartean daudelarik iragarkiak sortu, prestatu, programatu eta banatzeko lanak, prentsan zein ikus-entzunezko medioetan, bai eta komunikazio publiko edo instituzionalerako iragarkiak eta espezialitate beraren barruko ohiko zerbitzu osagarriak ere, 1. eranskineko xehetasunari jarraituz.
2. Honako publizitate-material hau egitea: denboraldiaren aurrerapena, denboraldiko urteko programa, kartelak, eta kanpoalderako olana mikrozulatuak, 2. eranskineko xehetasunari jarraituz.

2. BETEARAZPEN EPEA.

Kontratuaren iraupena **hiru (3) urtekoa** izango da, sinatzen denetik zenbatzen hasita.

Edozein kausa dela medio, kontratua bide arrunt edo ez arruntetik hautsiko balitz, zerbitzuak jarraituko duela bermatzeko helburuarekin, BOSeko kontratazio batzordeak kontratuaren derrigorrezko luzapena adostu ahal izango du. Luzapenak kontratu berria esleitu arte iraungo du, baina inoiz ez sei hilabete baino gehiago.

3. KONTRATUAREN PREZIOA.

Kontratuaren prezioa **68.664,00 eurokoa** izango da gehienez.

Kontratuaren gutxi gorabeherako prezioa **205.992,00 eurokoa** da.

Aurrekontu hau modu honetan dago banakatuta:

- a) Iragarkien kudeaketak, gehienez ere, 31.944,00 euro hartzen ditu urtean, eta lizitatzailleek beherantz hobetu ahal izango dute zenbateko hori.
- b) Publizitate-materialak, gehienez ere, 36.720,00 euro hartzen ditu urtean. Aurreko zenbatekoa modu honetan banakatzen da, prezio unitarioaren eran eta 2. eranskinean

adierazitako zenbatekoetarako. Lizitatzailleek beherantz hobetu ahal izango dituzte zenbateko horiek.

Denboraldiko egitarau bat	2,320 €/ bakoitza
Denboraldiko aurrerapen bat	0,096 €/ bakoitza
Kartel bat	7,200 €/ bakoitza
Olana mikrozulatu bat	876.000 €/ bakoitza

Artikulu honetan aipatutako kopuru hauek guztiak **BEZ GABEKOAK** dira.

Oharra: kartelak eta olana mikrozulatuak egitea aukerazkoa izango da BOSentzat, kasu bakoitzean.

4. ORDAINTZEKO ERA.

Kontratuaren prezioaren ordainketa dagokion hileko faktura aurkeztean egingo da, harekin bat etorritz. Bertan, honakoak egongo dira jasota, bakoitza bere aldetik:

- 1- Iragarkien kudeaketa: kontratatutako prezioaren zati alikuota. (1/12).
- 2- Hilabete horretako publizitate-materialei dagokien prezioa, aurreikusitako prozedurari jarraituz eskatu eta eman beharko da.

5. PREZIOEN BERRIKUSPENA.

Kontratu honetan egokia da prezioen berrikuspena. Berrikuspena urtero egingo da kontratua sinatzen den datatik aurrera, eta inoiz ezingo da izan Euskal Autonomia Erkidegoko Kontsumorako Prezioen Indizearen urte barruko hazkundea baino handiagoa. Edozein kasutan, kontratuaren betearazpeneko lehen urtea berrikuspenetik kanpo geratuko da espresuki.

Berrikuspena egiteko, esleipena duen enpresak gutun ziurtatua bidali beharko du urteroko berria hasten den bakoitzean, eta bertan azaldu beharko ditu dagozkion kopuruak. Hilabeteko epean ez badu BOSen erantzunik jasotzen, onartu egin direla ulertuko du.

6. BERMEAK.

Kontratuaren esleipena duen enpresak hartutako obligazioak beteko dituela bermatze aldera, behin betiko bermea osatu beharko du derrigorrez; esleipenaren zenbatekoaren %4ri dagokion zenbatekoa, BEZ gabe, hain zuzen ere.

Aipatutako bermea eratzeko epea hamabost egun naturalekoa izango da, kontratuaren esleipenaren berri eman eta hurrengo egunetik zenbatzen hasita, eta prezioaren erretentzio moduan edo Sektore Publikoko Kontratuen 30/2007 Legeko (SPKL) 84. artikuluan ezarritako edozein modutan eratu ahal izango da.

Bermeen itzulketa (osoak edo partzialak, hala beharko balitz) bermearen epea amaitu ostean egingo da, esleipendunak bere betebeharrak kontraktual guztiak bete ostean. Eta hori, Sektore Publikoko Kontratuen Legeko 90. artikulua ezarritakoaren arabera.

7. KONTRATUAREN BETEARAZPENA.

Kontratuaren betearazpena kontratistaren arrisku eta galdu-gordean egingo da.

Kontratua plegu honetan biltzen diren klausulen arabera beteko da, eta, hala beharko balitz, txostenean bildu diren xehetasun teknikoaren arabera, betiere, BOSek interpretatu ditzan kontratistari ematen dizkion jarraibideekin bat etorri.

8. ESLEIPENDUNAREN OINARRIZKO BETEBEHARRAK.

8.1. NAGUSIAK: esleipena duenak ordaindu beharko ditu kontratatutako zerbitzua osorik betetzeko egin beharreko gastu guztiak: kontratua prestatzeko eta formalizatzeko izapideak, materialak eta instalazioak, bitarteko tresnak, eskulana, Gizarte Segurantzaren zergak, mota guztietako erantzukizunak eta aseguruak, eta esleipena duen enpresari dagozkion edozein motatako beste zama eta betebeharrak guztiak (esleipena egiten denean horiek guztiak onartzen baititu), baita kontratutik edo lizitazioan parte hartzetik eratorritako beste guztiak ere.

Esleipendunari dagokio kontratua betearazteko beharrezkoak diren baimen eta lizentzia ofizialak zein partikularrak eskuratzea.

Esleipena duen enpresak diru gehigarriak jasotzeko eskubiderik gabe eskaini beharko ditu kontratua egoki garatu eta betetzeko beharrezko zerbitzuak: laneko bileretara edo informazio bileretara joatea, etab. Betebeharrak hori bermepeko sasoia amaitu arte mantenduko da.

8.2. ARDURAK ETA KALTEAK: esleipena duena izango da egiten dituen lanen kalitate teknikoaren eta egindako prestazio eta zerbitzuen arduraduna. Era berean, kontratua betetzeari dagozkion ekintzak egiterakoan sortzen diren kalteen erantzule ere izango da, SPKLren 198. artikulua dioenarekin bat etorri.

8.3. LAN-KONTRATUKOAK: esleipenduna derrigortuta dago lan kontuei, Gizarte Segurantzari eta lan osasunari dagozkien indarreko lege guztiak betetzera, eta BOSek ez du ardurarik izango zentzu horretan egon daitezkeen arau-hausteetan.

Esleipena duen enpresak kontratu hau betearazteko garatu beharreko jardura guztiak egiteko langile nahikoa eta trebatuak izan beharko ditu, eta berak erabaki beharko du zeintzuk diren bere langileen beharrezkoak, baina horrek ez du aurreko lerroaldeak dioena aldatuko. Edozein kasutan ere, behar den moduan koordinatuta, eskaini beharreko zerbitzuak epean barruan eta ondo eskaintzeko gai dela frogatzen duen giza taldea izan beharko du.

Esleipena duen enpresak bere lan betebeharrak betetzea ez da BOSen ardura zuzena izango, ezta elkertasunezko ardura edo zeharkakoa ere. Era berean, ez dira haren ardura izango, kontratuak irauten duen bitartean edo kontratua amaitu ondoren, izan daitezkeen lan-kontratuen amaierak. Esleipena duen enpresak hartu beharko ditu bere gain horietatik erator dakizkion ondorio juridikoak zein lan ondorioak, bai kontratu honek

irauten duen artean, eta bai kontratua amaitu eta gero. BOSek ez du izango inolako lan arloko harreman juridikorik, zibilik ez administratiborik zerbitzuak eskaintzeko esleipena duen enpresako langileekin.

8.4. LANEKO ARRISKUEN PREBENTZIOA: laneko arriskuen prebentzioari dagokionez, indarrean dagoen legeak esaten dituen betebeharrak guztiak bete beharko dira kasu guztietan. Horretarako, kontratuak ezartzen duen zerbitzua eskaintzeko garatzen diren jardueretan lan arriskuen prebentziorako indarrean dagoen legedia egoki erabiltzeko legeak ezartzen dituen tresnak garatuko dira. Esleipena duen enpresa izango da esandako betebeharrak betetzearen arduradun bakarra. Hori dela eta, bera izango da betebeharrak ez betetzearen edo txarto betetzearen ondorioz gertatu daitezkeen arduraduna. Esleipena duen enpresa derrigortuta dago lan arriskuen prebentziorako arauak betetzera, Euskalduna Jauregian zein zerbitzua garatzen duen beste lekuetan.

8.5. DATU PERTSONALAK: esleipena duen enpresak, hala behar duelako edo kontratua betetzeko beharrezkoak zaizkiolako, automatizatutako datu pertsonalak erabili beharko balitu, abenduaren 13ko 15/1999 Lege Organikoak dioenari eta otsailaren 25eko 2/2004 Legeari erreparatuta egingo luke; datu pertsonalen babesari dagozkion arauak eta ezarpen horiek garatzen dituztenak biltzen baitituzte.

Esleipena duen enpresak ezingo ditu ezarri edo erabili kontratua dela-eta automatizatuta dituen datu pertsonalak, kontratuan agertzen ez diren helburuetarako. Kontratuak eskatzen duen prestazioa bete ondoren, erabilitako datu pertsonalak BOSi eman beharko zaizkio. Esleipena duen enpresak desegin egingo ditu dituenak, ez baldin badu BOSen idatzizko baimenik lortzen etorri daitezkeen zerbitzu berriak egiteko. Kasu horretan, bost urtean gorde ahal izango ditu datuak, dagozkien segurtasun baldintzekin.

8.6. JABETZA INTELEKTUALAREN ESKUBIDEA: lizitazio honen xede diren Zerbitzuak direla-eta enpresa esleipendunak egiten dituen lan guztien jabea BOS izango da.

Enpresa esleipendunak aplikagarriak diren Ustiapen Eskubide guztiak (Ustiapen Modalitate guztietan) lagatzen dizkio BOSi modu eskusiboan, mundu osorako eta legeak baimentzen duen iraupenik luzeenerako; eta hori, enpresa esleipendunak edo bertako langile zein kolaboratzaileek Jabetza Intelektualaren esparruan garatu ditzaketen sorkuntza guztiei dagokienez, lizitazio honen xede diren zerbitzuak betez edo zerbitzu horiek direla eta.

Enpresa esleipendunak konpromisoa hartzen du, BOSen berariazko baimenik ezean, egindako lanen emaitzak ez erabiltzeko, erreproduzitzeko, transmititzeko, aldatzeko edo hedatzeko, BOSen alde aurreko eta berariazko baimenik gabe.

Era berean, enpresa esleipendunak bere kostuz defendatuko du hirugarrenek BOSen aurka egiten duten edozein erreklamazio edo erreklamazio-mehatxu, baldin eta erreklamazio horien oinarria honakoa bada: lanok enpresa esleipendunak garatu beharrekoak izatea, lizitazio honen barruan; hirugarrenen jabetza intelektual edo industrialaren eskubideak urratzea; edo hirugarrenen sekretu komertzial edo industrialen eskuratze bidegabea izatea.

Esleipena duen enpresak egin beharko ditu, behar den kasuetan, utzi behar diren jabetza intelektualaren eskubideen jabeekin egin beharreko kontratuak.

8.7. SEKRETU PROFESIONALA ETA ISILPEKOTASUNA: enpresa esleipendunak derrigorrez gorde beharko du sekretu profesionala, kontratuaren xede den lana egiteko orduan BOSeK emandako informazioari eta dokumentazioari dagokienez.

Ondorioz, debekatuta dago euskarri magnetikoetan zein ohikoetan jasota dagoen BOSen isilpeko informazioa erreproduzitu, banatu, komunikatu, eraldatu, helarazi edo beste edozein manipulazio egitea, inongo pertsona fisiko edo juridikori, dohainik edo diru trukean. Obligazio hori kontratuaren xede diren jarduerak irauten duten bitartean eta jarduerak amaitu ostean egongo da indarrean, informazio hori jabari publikokoa izatera heldu arte edo, legezko beste arrazoi batzuk direla eta, isilpekotasuna amaitu arte.

Enpresa esleipenduna arduratuko da bere zerbitzuean dauden langileek eta bertako kolaboratzaile edo azpikontratatu gisa ari diren pertsonak zein erakundeek isilpekotasun arloko obligazioak bete ditzaten.

Enpresa esleipendunak soilik kasu batean emango du isilpeko informazioa: kontratatutako jarduera eta zerbitzuak garatzeko orduan, langileek informazio hori behar dutenean.

Enpresa esleipendunak ez du BOSen isilpeko informazioa erabiliko bere helburuetarako, helburu pribatuetarako edo beste edozein helburutarako. Isiltasun profesionalaren betebeharra apurtzen badu, esleipena duen enpresak kalte-ordainak ordaindu beharko dizkie BOSi eta kaltetutako pertsoneri, egindako kalte-galerengatik.

8.8. LEHIA LIBREKO BERMEA: prozedura honetan eta etorkizunekoetan zerbitzua ematen duen kontratistak bere egoera modu okerrean erabili ez dezan, aldaketa-prozesuan zehar honakoak egin beharko ditu derrigorrez:

- Eskualdaketarako behar den informazio tekniko eta administratibo guztia ematea, gehienez ere, 2 asteko epean.
- Zerbitzu-mailak ez degradatzea.
- Aldaketa-prozesua ez oztopatzea.

Era berean, kontratua indarrean dagoen bitartean, eta esleipendun aldaketagatiko txanda posiblea ahalbidetzeko asmoz, enpresa esleipendunak erabiliko dituen teknologiek eta sistemek ez diote kontratatutako zerbitzuen kudeaketa zailduko edo oztopatuko esleipendun berri bati.

8.9. EUSKARAREN ERABILERA: zerbitzu honen xede den publizitate oro **elebiduna** izango da, euskaraz eta gaztelaniaz. Gainera, hizkuntza biak berdintasunez erabiliko dira, publizitate-materialaren diseinuetan zein testuen edukietan; eta hori, hizkuntza bakoitzaren irizpide linguistikoak eta indarrean dagoen legezko araudia kontuan izanik.

9. BERMEAREN ONARPENA ETA EPEA.

Obrak bukatu, eta, gehienez hogeita hamar eguneko epean, kontratuaren helburuak betetzeko egintza formala eta positiboa egingo da.

Era berean, hirurogei eguneko epea finkatzen da, onarpen formala egiten den egunetik zenbatzen hasita, SPKLk ezarritako ondorioen berme gisa. Bermearen epe honetan, enpresa kontratista izango da egindako lanetan edo eskainitako zerbitzuetan agertu daitezkeen hutsen edo akatsen erantzulea. Bermearen indarraldia amaitu arte, esleipena duen enpresa

arduratuko da kontratatutako lanez eta bertan egon daitezkeen akatsez. Gainera, BOSeko arduradunek lanak egiten egon diren artean ikuskatzea edo frogak, balorazioak zein zatikako egiaztagiriak onartzea ez da izango salbueslea eta ez dio esleipena duen enpresari inolako eskubiderik emango.

Aipatutako epea BOSek arazorik jarri gabe igarotzen bada, esleipendunaren ardura indarrrik gabe geratuko da.

10. BETEBEHARRAK EZ BETETZEA ETA ZIGORRAK.

Kontratuari dagozkion betebeharrak betetzen ez baditu, esleipena duen enpresari zigor ekonomikoak ezarriko zaizkio, aurretiaz entzunaldia eginda.

Betebeharren arau-hausteak oso larriak, larriak eta arinak izango dira, euren larritasunaren, zerbitzuan izan duten eraginaren eta BOSi zein hirugarren pertsoneri eragin dizkieten kalteen arabera.

Esleipena duen enpresari zigorra ezarriko zaio, kontratuak ezarritako baldintzetako edo eskainitako hobekuntzetako bat edo gehiago betetzen ez baditu:

A) OSO ARAU-HAUSTE LARRIAK:

- Kontratatutako prestazioak etetea arrazoi handirik edo BOSek onartutako justifikaziorik gabe.
- Kontratua aldi baterako edo behin betiko bertan behera uztea aurretik baimenik eman gabe.
- Esleipena duen enpresari eskatu ahal zaizkion betebeharren arau-hauste larria edo errepikatua.
- Arrazagatiko, sexuagatiko, erlijioagatiko, hizkuntzagatiko edo iritziagatiko bazterketari lotutako edozein ekintza.
- Egin beharreko lanen betearazpenean edota zerbitzuetan atzerapenak izatea, horrek oso kalte larria eragingo balio BOSen irudiari.
- Hiru arau-hauste larri egitea.

B) ARAU-HAUSTE LARRIAK:

- Izango duten eraginagatik oso larriak izango ez diren arren, BOSek emandako jarraibideak edo aginduak eta kontratuan dauden betebeharrak ez betetzea edo ez egitea.
- Kontratuan agertzen diren lanen atzerapena.
- Arau-hauste arin bi egitea.

C) ARAU-HAUSTE ARINAK:

- Esleipena duen enpresari eskatu ahal zaizkion betebeharretan huts egitea edo arrazoirik gabeko arduragabekeria izatea.

ZIGORRAK: esleipena duen enpresak arauak hausteak honako zigorrak eta ondoren azaldutako zenbatekoekin ezarri ahal izango dira:

- 1) Oso arau-hauste larriak: hilabeteko fakturaren %50ari dagokion zigor ekonomikoa, hutsegite bakoitzeko.
- 2) Arau-hauste larriak: hilabeteko fakturaren %25ari dagokion zigor ekonomikoa, hutsegite bakoitzeko.
- 3) Arau-hauste arinak: hilabeteko fakturaren %5ari dagokion zigor ekonomikoa edo ohartarazpena, hutsegite bakoitzeko.

BOSen Zuzendaritzari dagokio, edo honek eskuduntza ematen dion organoari, kontratua ez betetzeagatik zigorrak ezartzea.

Esleipena duen enpresak arau-hauste larriak edo oso larriak egiten dituenean, BOSek aukeratu egin ahal izango du kontratua haustearen edo goian azaldutako zigorrak ezartzearen artean.

Zigorren zenbatekoak, normalean, enpresa esleipendunari ordaindu beharreko fakturretatik kenduko dira.

Zigorrek ez dute salbuetsiko esleipena duen enpresak eskainitako zerbitzuengatik hirugarren pertsoneri edo BOSi egindako kalte-galerak ordaintzea. Zerbitzutik erator daitezkeen kalte-ordainak ere berak ordaindu beharko ditu.

11. KONTRATUA SUNTSIARAZTEKO ARRAZOIAK.

Kontratua suntsitzeko arrazoiak SPKLren 206. eta 284. artikuluetan agertzen direnak izango dira.

II: KONTRATATZEKO PROZEDURA

12. ESLEITZEKO PROZEDURA ETA MODUA.

Kontratu hau **prozedura ireki** bidez esleituko da, eta, gutxienez, BOSen kontratatzailearen perfilean publikatuko da.

Eskaintzak baloratzeko irizpideak (kontratua esleitzeko oinarri gisa hartu behar dira) honakoak dira:

- a) **Prezioa**.....gehienez ere, 51 puntu
- b) **Sorkuntza arloko kalitatea**.gehienez ere, 44 puntu
- c) **Hobekuntzak** gehienez ere, 5 puntu

PREZIOAREN BALORAZIOA:

Lizitazioaren prezioaren beheranzko hobekuntzak egin ahal izango dira, eta puntu bihurtuko dira, irizpide honi jarraituz: puntuaziorik handiena eskaintza ekonomikoenari emango zaio, eta gainerako eskaintzak alderantzizko hiruko erregelaren arabera puntuatuko dira, formula honekin:

$$\text{Puntuazioa} = (\text{eskaintzarik merkeena} / \text{eskaintza}) \times \text{puntuaziorik altuena}$$

SPKLko 136. artikuluan aurreikusitako ondorioetarako, ez dira onartuko orri hauen laugarren klausulan ezarritako prezioa %20 edo gehiago jaisten duten proposamenak, ohikoak ez direlako edo proportziorik gordetzen ez dutelako. Aipatutako artikulua aurretiaz azaltzen dituen baldintzetan entzungo dira lizitatuzailearen arrazoiak.

SORKUNTZA ARLOKO KALITATEAREN BALORAZIOA:

Proposamenen kalitatea aurkeztutako dokumentazioaren arabera baloratuko da, betiere, kontratuak aurreikusten dituen helburuetara egokituta dagoen edo ez kontuan izanda.

14. artikulua b.1) paragrafoan ezarritakoari jarraituko zaio.

Bere betearazpenagatik edo edukiengatik kontratuaren arrazoia edo helburuak betetzeko egokiak ez diren proiektuak aurkezten dituzten eskaintzak onartezinak izango dira. Era berean, onartezinak izango dira, definituta ez daudelako, lanen azken emaitza ebaluatzea ahalbidetzen ez duten eskaintzak.

HOBKUNTZEN BALORAZIOA:

Lizitatuzaileak aurkezten dituen hobekuntza guztiak baloratuko dira, baldin eta zerbitzu hobe eskainiko badute, BOSi gastu gehigarrikeragin gabe. Eskaintako zerbitzuen kalitatea eta kudeaketa hobetzen lagunduko duten enpresaren meritua ere baloratuko dira. Enpresa esleipendunek proposatutako hobekuntzen balorazio ekonomikoa aurkeztuko dute, ahal dutenean.

BOSentzat prezioaren igoera eragingo duten proposamenak ez dira hobekuntzat hartuko.

13. KONTRATATZEKO AHALMENA.

Kontratatzeko prozedura honetan, ahalmen juridiko osoa eta jarduteko ahalmen osoa duten pertsona naturalek eta juridikoek parte hartu ahal izango dute, eta, orobat, ondo frogatzen badute ez daudela sartuta SPKLko 49.1 artikulua ezartzen dituen kontratatze debekuren batean.

Era berean, kontratua beren kabuz egin ahal izango dute, edo, bestela, baimendutako pertsona baten ordezkartzaren bidez, ondorio horretarako behar adina ahalorde emanaz.

Pertsona juridiko baten ordezkariaren kideren bat azaltzen baldin bada, ordezkariaren jarduteko ahalmena duela egiaztatu beharko du, agiriak erakutsiz. Hala kasu batean, nola bestean, ordezkariak lehen aipatu ditugun kontratatzeke ezintasuneko arrazoien eragina jasoko du.

Era berean, enpresaburuek kontratuaren xedearen jardura edo prestazioa emateko eskatu daitekeen gaitasun enpresarial edo profesionala izan beharko dute.

14. PROPOSAMENEN AURKEZPENA.

Proposamenak BOSen egoitzan aurkeztuko dira (Euskalduna Jauregia, Abandoibarra Etorbidea 4, 48011 Bilbao), 9:00etatik 14:00etara, **2010eko otsailaren 26ra** arte.

Epea bukatu ondoren aurkezten diren proposamenak ez dira onartuko, nahiz eta jasota egon epea burutu aurretik aurkeztu zirela posta-bulegoan. Salbuespena egingo da, ordea, kontratazio-organoari telex edo telegrama bidez bidaltzen bazaio eskabidea igorri izanaren data egiaztatzen duen agiria, postaz bidali izan den egun berean.

Proposamena entregatuta eta onartuta dagoenean, lizitazioa egin duen enpresak ezingo du berriro hartu, justifikatutako arrazoirik ez badago. Beste eskaintzarik ere ezingo du aurkeztu, ez berak bakarrik ez beste enpresa batzuekin aldi baterako enpresa bat osatuta. Ezingo du Aldi Baterako Enpresen Elkarte bat baino gehiagotan agertu. Aipatutakoa bete ezean, baztertu egingo dira enpresa horrek aurkeztutako proposamen guztiak.

Lizitatuak itxitako bi gutun-azal aurkeztu beharko dituzte (A eta B), eta, gutun-azal bakoitzean, honakoa egongo da idatzita: **“BOSentzako PUBLIZITATE AGENTZIA BATEN KONTRATAZIOAN PARTE HARTZEKO PROPOSAMENA”**.

Gutun-azal guztiak egon beharko dira kanpotik identifikatuta, honako datuekin:

GUTUN-AZALA:
AZPITITULUA: PUBLIZITATEA AGENTZIA

Enpresaren izena:
Helbide soziala:
Helbide elektronikoa:
Harremanetarako telefonoa:
Faxa:
Ahaldunaren izen-abizenak:
Ahaldunaren sinadura:

“A” gutun-azalaren azpititulua hauxe izango da: **“ADMINISTRAZIOKO AGIRIAK”**, eta agiri hauek edukiko ditu barnean:

1) Lizitatuaren edo haren ordezkariaren Nortasun Agiri Nazionala. Gainera, beste

pertsona edo erakunde baten ordezkartzan arituz gero, notario-ahalordea ere aurkeztu beharko da.

2) Lizitatzaila pertsona juridikoa baldin bada, eraketa-eskritura eta, hala behar denean, aldaketaren eskritura, Merkataritzako Erregistroan behar bezala inskribatuta eta zerga-identifikazioko zenbakiarekin, betiere, ezar daitekeen legeriari jarraiki, inskripzio hori eskatzeko modukoa bada. Hala ez bada, jarduteko ahalmena egiaztatzeko, eraketa-eskritura edo agiria, edo estatutuak edo sorrerako egintzaren berri ematen duen agiria aurkeztu beharko da; dena delako agiri horretan jarduerak zein arau bete behar dituen egongo da zehaztuta, eta, gainera, kasuan kasuko erregistro ofizialekoak izan beharko dute.

3) Berariazko erantzukizunezko adierazpena, 3. eranskinean adierazitako ereduari jarraituz, SPKLren 49.1 artikulua kontratatzeari dagokionez aipatzen dituen debekuren batean sartuta ez dagoela azaltzen duena. Hala, berariaz adierazi beharko du indarrean dauden xedapenek finkatutako zerga-betebeharrak eta Gizarte Segurantzarekiko betebeharrak betetzen dituela, azken bi inguruabar horiek egiaztatzen dituzten ziurtagiriak aurkezten dituenean izan ezik.

4) Kontratatzen **sailkapena** egiaztatzen duen agiria, **T taldeko 01 azpitaldeko 1 kategoriako** zerbitzuak kontratatzeko. Hori horrela, Ekonomia eta Ogasun Ministerioaren Sailkatutako Enpresen Erregistro Ofizialak emandako ziurtagiria aurkeztu beharko da, eta, horrekin batera, lizitatzailaren aitorten erantzulea, ziurtagiri horretan agertzen diren baldintzak aldatu ez direla eta indarrean jarraitzen duela egiaztatuz. Esleipena egokituz gero, adierazpen hori berriz ere errepikatu beharko da kontratua formalizatzen duen dokumentuan, baina Kontratazio Organoak, hala egin behar duela uste badu, kontsulta egin ahal izango dio Ekonomia eta Ogasun Ministerioaren Sailkatutako Enpresen Erregistro Ofizialari.

Ziurtagiriak behar bezala egiaztatu beharko du lizitatzaila Talde eta Azpitalde horietan dagoela sailkatuta, aipatutako Kategoria berean edo handiagoan.

5) Zerga-betebeharrak eta Gizarte Segurantzarekiko betebeharrak egunean dituela egiaztatzen duen ziurtagiria.

6) Lizitaziora hainbat enpresaburu batera aurkezten badira Aldi Baterako Enpresa Elkarte (ABEE) bat eratuta, elkarte eratzten duen enpresa bakoitzak bere ahalmena eta kaudimena egiaztatu beharko du, aurreko puntuetan ezarritakoari jarraiki. Orobat, eskaintzan ondo jaso beharko dute ABEEko kide bakoitzak xedearen zein zati egingo duen, hartara, kide guztien kaudimen-baldintzak behar bezala egiaztatu eta ziurtatu ahal izateko.

AGIRIAK AURKEZTEARI BURUZKO ZALANTZAK ARGITZEKO OHARRAK

1. OHARRA: LIZITATZAILEEN ERREGISTROAREN ZIURTAGIARIEN BIDEZKO BAIEZTAPENA: Euskal Autonomia Erkidegoko edo Bizkaiko Lurralde Historikoko Kontratatzaileen Erregistro Ofizialean edo Estatuko Lizitatzailen eta Sailkatutako Enpresen (hala beharko balitz) zerrendan izena emanda dagoela egiaztatzen duen indarreko agiria aurkeztu ahal izango da. Erkidegoko sailkapenaren ziurtagiriak ere balioko du,

kontratzaileen lanerako gaitasuna, ordezkaritza, arduren adierazpena eta sailkapena egiaztatzen dituelako. Zerga betebeharrak eta Gizarte Segurantzari dagozkionak egoki beteta daudela ere egiaztatu beharko da.

Aurkezten den egiaztagirian agertzen ez diren inguruabarren arabera osatuko da eskatutako agirien egiaztapena.

Nolanahi ere, egiaztapenarekin batera lizitatzaillearen adierazpen erantzulea aurkeztuko da, eta bertan azaldu beharko da dagokion egiaztagiriaren inguruabarrak ez direla aldatu eskaintza egin duten momentura arte.

2. OHARRA: lizitazioa egiten duen enpresak notarioak egindako agiriak aurkeztu beharko ditu, Notarioen Erregelamendurako Legeak ezarritakoa betez, legeari eta legitimazioari dagokienean. Administrazio agiriak aurkezterakoan, originalek, kopiek zein fotokopiek balioko dute.

3. OHARRA: BOSek hasitako lizitazioetan parte hartu duten merkatarien entitateek, ondorioz, sorreraren eta aldaketen edo ahalmenen eskritura publikoak edo hauen kopia konpultsatuak eskatutako moduan aurkeztu dituztenek, hurrengo sei hilabeteetan egiten diren lizitazioetan parte hartu ahal izango dute, aipatutako dokumentuak berriro aurkezteko beharrik gabe, betiere, lizitazio garaian, oraindik ere errealak badira. Horretarako, eskaintza bat aurkezten dutenean, aipatutako agiriak zein lizitazio zehatzetan aurkeztu zituzten esan beharko dute.

Aurreko atalean esandakoa bete dadin, sei hilabeteko epea zenbatuko da, kontratazio prozeduren deialdiak publiko egiten direnetik aurrera.

4. OHARRA: BOSek ez du dokumenturik konpultsatzen, eta ez du itzuliko jasotako dokumenturik. Beraz, lizitatzailleak jakinaren gainean daude eskaintzak entregatu aurretik bete beharko dituztela izapide guztiak.

“B” gutun-azalaren azpigitulua “ESKAINZA EKONOMIKOA ETA DOKUMENTAZIO TEKNIKOA” izango da.

a) Eskaintza ekonomikoa

Proposamen ekonomikoa, eredu honen arabera:

..... jauna / andrea, helbidea,
PK,
 NAN,telefonoa, nire ahalmen juridiko eta jarduteko ahalmen osoa izanik, eta nire izenean jardunez (edo honen ordezkaritza:),helbidea,KP,
 telefonoa eta NAN edo IFZ (pertsona fisikoa edo juridikoa, hurrenez hurren), BOSentzako PUBLIZITATE AGENTZIA baten zerbitzua kontratatzeko antolatutako lizitazioaren jakinaren gainean.

HAUXE ADIERAZTEN DUT NEURE ARDURAPEAN:

1) Hitz ematen dut zerbitzu hau burutuko dudala, eta prezioa hau izango dela:

	Prezioa, BEZ gabe	BEZ	Prezioa, BEZ barne
Iragarkien kudeaketa			

2) Hitz ematen dut zerbitzu hau emango dudala, plegu hauen 2. eranskinean jasotako zenbatekoetarako eta prezio unitario hauetan:

	Unitate bakoitzaren prezioa BEZ gabe	BEZ	Unitate bakoitzaren prezioa BEZ barne
Denboraldiaren aurrerapena			
Denboraldiko egitaraua			
Kartela			
Olana mikrozulatua			

Prezio horrek kontzeptu guztiak barruan hartzen dituela ulertzen da, edozein zerga-mailatako zergak, gastuak, tasak eta arielak, eta kontratistaren industria-onura barne.

3) Ondo ezagutzen ditut Administrazio Klausula Partikularren Plegua eta Xehetasun Teknikoak nahiz kontratu hau zuzenduko duten gainerako agiriak. Horiek guztiak nire gain hartzen ditut berariaz, eta men egiten diet.

4) Ordezkatzen dudana enpresak indarrean dauden arauak eskatzen dituzten baldintza guztiak betetzen ditu, enpresa zabaltzeari, instalatzeari eta jardunean jartzeari dagokienez.

....., 200....(e)ko,aren(e)(a)

Sin.:

Enpresaren zigilua:

b) Plegu honetan agertzen diren gainerako irizpideak betetzen direla egiaztatzen duten dokumentuak; zehatzago esanda:

b.1) **Sorkuntza arloko kalitateari** dagokionez, eredu honi jarraituko zaio balorazioa egiteko:

b.1.1.) Prentsan argitaratuko den iragarki baten diseinuaren zirriborro originala, 2009-2010 denboraldiko 5. egitaraua hartuz gaitzat.

b.1.2.) Publizitate-material hauen diseinuaren zirriborro originalak:

- Iragarpen-kartel bat, 2009-2010 denboraldiko 7. egitaraua hartuz gaitzat.
- Kanpoaldean jartzeko olana mikrozulatu bat, 2009-2010 denboraldiko 1. egitaraua hartuz gaitzat.
- Egitarauaren aurrerapen bat, 2009-2010 denboraldirako dagoeneko argitaratuta dagoena hartuz eredutzat.
- Denboraldiko egitarau bat, 2009-2010 denboraldiko sei egitarau sinfoniko hartuz gaitzat. Gainera, 2009-2010 denboraldiko egitarauko 60 eta 65. orrialdeen artean jasotako informazioa erabili behar da.

b.2) Plegu honek ezartzen dituen gutxienerako betebeharrerarako proposatzen diren **hobekuntzak**.

15. AGIRIAK HAUTATZEA ETA ESKAINTZAK ZABALTZEA.

Eskaintzak aurkezteko epea amaitzen denean, BOSek epearen barruan eta behar den moduan jasotako agiriak sailkatuko ditu ("A" gutun-azala). Inolako akatsik aurkitzen badu, hiru laneguneko epea eskainiko du, lizitatzailerak akatsa zuzendu dezan.

Eskaintza ekonomikoan egindako eskaintza ("B" gutun-azala) eskaintzak aurkezteko epea amaitu eta laugarren laneguneko goizeko hamaiketan egingo den ekitaldi publikoan zabalduko da.

16. ESLEIPENA ETA FORMALIZAZIOA.

Esleipena, gehienez ere, bi hilabeteko epean egingo da, proposamenak zabaltzen diren egunaren biharamunetik zenbatzen hasita. Kontratua Kontratazio Organoak egindako esleipen bidez hobetuko da. BOSek eman gabe utzi ahal izango du lizitazioa, baldin eta eskaintza batek ere ez badu zerbitzua modu egokian emateko baldintzarik.

Esleipena jakitera emango zaio esleipendunari, eta horrek egutegiko bost eguneko epea izango du honakoak egiteko, jakinarazpena jasotzen duen egunaren biharamunetik zenbatzen hasita:

- a) Behin betiko bermea osatu.
- b) Lizitazio honi buruz eguneroko prentsan agertutako iragarkiak ordaindu.
- c) BOSeko egoitzara joan, eta, azkenik, kontratua formalizatu.

Kontratua sinatu aurretik, esleipendun gisa proposatu den pertsonak zerga-betebeharrak eta Gizarte Segurantzarekiko betebeharrak betetzen dituela frogatzen duten egiaztagiria aurkeztu beharko ditu, eskaintzarekin batera aurkeztu diren kasuetan izan ezik.

Kontratistari leporatu dakizkiokeen arrazoiak direla-eta kontratua formalizatu ezean,

BOSek kontratua suntsitzea erabaki ahal izango du, kalte-ordainen ordainketa eskatuz, betiere, interesdunari entzun ondoren.

Kontratuaren betearazpena ez da hasiko aurretik formalizatu gabe, txostenaren tramitazioaren izaera presazkoa edo larrialdikoa ez baldin bada behintzat.

17. KONTRATUA ALDATZEA.

Behin kontratua hobetu eta gero, kontratazio organoak interes publikoko arrazoiak daudelako edo ustekabeak gainditzeko aldatu ahal izango du kontratua. Horretarako, hauen beharrezana behar den moduan justifikatu beharko du txostenean.

Kontratuarekin bete behar diren beharrezanak egoki betetzeko, lurralde esparrua edo ekintza eremua zabaltzea eragingo duten helburu berriei erantzuteko aldatu ahal izango da kontratua.

Aldaketa horiek ezingo diete eragin kontratuaren oinarritzko baldintzei. SPKLko 282. artikulua dioenari men egingo zaio bereziki.

III: IZAERA, ARAUBIDE JURIDIKOA ETA ESKUMENA DUEN JURISDIKZIOA

18. IZAERA ETA ARAUBIDE JURIDIKOA.

Plegu honen oinarriaren gainean egiten den kontratuak izaera pribatua izango du.

Kontratua plegu honetan idatzitako klausulen arabera gidatuko da, edo, bestela, hauen bidez:

- SPKL.
- Modu osagarrian, zuzenbide administratiboaren arloko gainerako arauak aplikatuko dira, edo, bestela, zuzenbide pribatuari lotutako arauak.

Administrazio-baldintza partikularren plegu honen eta espedienteari atxikita dauden gainerako agiri teknikoen artean kontraesanik balego, plegu honetan ezarritakoak izango du lehentasuna.

19. JURISDIKZIO ESKUDUNA.

Kontratuaren sakonean sortzen diren lege-azuiak jurisdikzio arruntak ebatziko ditu, eta prestakuntzan zein esleipen bidean sortzen direnak, berriz, administrazioarekiko auzietarako jurisdikzioak. Kasu bietan, Bilboko epaitegiek eta auzitegiek hartuko dituzte ebazpenak. Hala ere, alderdiek beraien auziak arbitrajearen pean jartzea adostu dezakete, indarrean dagoen legerian ezarritakoarekin bat etorritik.

1. ERANSKINA

IRAGARKIAK KUDEATZEKO ZERBITZUA EMATEKO ZEHAZTASUN TEKNIKOAK

1.1 Zerbitzuaren barruan honakoak sartzen dira:

- a) 2. eranskinean aipatzen den publizitate-material guztia sortzea.
- b) Iragarki originalak sortzea, testutik hasi eta amaierako artera heldu arte.
- c) Hainbat formatu egokitzea.
- d) Testuak berriro ukitzea.
- e) Euskarazko itzulpena. (Eskatzen zaionean soilik).
- f) Enpresa kontratistak kudeatu egin beharko du adierazten zaizkion idatzizko edota ikus-entzunezko medioetan agertzen diren iragarkien argitaratzea, hedapen egokia bermatuko duen leku edo unean. (**Zerbitzuaren xedeen artean ez dago publizitate-espazioak “erostea”, horretaz BOS arduratzen baita zuzenean**)
- g) Iragarkien jarraipena eta kontrola.

Kontratuaren xedeen artean ez daude telebista eta irratiko iragarkien produkzio-gastuak, horiek aparteko aurrekontua izango dute eta.

Enpresa kontratistak baliabide egokiak izan beharko ditu (makineria, langile-taldea, eta eman beharreko prestazioari dagokion kontrolaren eta kalitatearen arduradunak), bidaltzen zaizkion iragarkiak jaso ahal izateko.

Hala eskatzen den guztietan, enpresa kontratistaren ordezkari bat BOSen egoitzara joango da, duten izaeragatik edo konplexutasunagatik ohiko bideetatik bidali ezin diren iragarkiak jasotzera.

1.2. Argazki eta irudien erabilera: irudiak erabiltzen direnean, BOSenak edo kontzertuetan parte hartzen duten artistek lagatakoak izan beharko dira, edo, bestela, irudi-banku bat erabili beharko da.

1.3. Irizpide orokorrak: iragarkiek diseinu moderno, sortzaile eta originala izan beharko dute. Diseinu erakargarri, garbi eta irakurterraza izango dute, eta irakurlearengan eragin bisual indartsu eta positiboa sorrarazi beharko dute.

1.4. Diseinua eta konposizioa: proposamena osatzen duten elementu guztiek argi errespetatu eta nabarmendu beharko dute BOSen irudi korporatiboa.

1.5. Aurkezpena: lizitatzailleek, eskaintzekin batera, egingo den iragarkiaren zirriborroa aurkeztu beharko dute, plegu hauetan aipatutako musika-egitaraua hartuz gaitzat. Beste gai batzuk dituzten zirriborroak ez dira onartuko.

1.6. Zerbitzuaren zuzendaritza eta ikuskaritza: BOSek zehaztutako saila arduratuko da kontratatutako zerbitzuaren zuzendaritzaz eta ikuskaritzaz. Sail horrek argibideak eman ahal izango dizkio esleipendunari, baldin eta horrek ez badu aldaketarik sorrarazten baimendutako zerbitzuan eta argibide horiek ez badoaz plegu honetan eta gainerako kontratu-agirietan zehaztutakoaren edo indarrean dauden legezko xedapenen aurka.

2. ERANSKINA PUBLIZITATE-MATERIALA

1. LEHIAKETA HONEN XEDE DEN PUBLIZITATE-MATERIALAREN EDUKIA:

- a) **Denboraldiaren aurrerapen** elebidunaren (euskara-gaztelania) diseinua, BOSen programazioarekin. Denboraldi bakoitzean **15.000 aurrerapen** inprimatu eta ematea.
- b) **Denboraldiko egitarau** elebidunaren (euskara-gaztelania) diseinua, BOSen programazioarekin. Denboraldi bakoitzean **3.000 egitarau** inprimatu eta ematea.
- c) BOSen programatutako kontzertuetako **kartelen** diseinua (euskara-gaztelania). Urtean **1.500 kartel** inprimatu eta ematea (75 kartel, kontzertu bakoitzeko), gutxienez 20 kontzertutarako.
- d) BOSek programatutako kontzertuetan, antzokiaren kanpoaldean jarriko diren **olana mikrozulatuen** diseinua (euskara-gaztelania). Urtean **20 olana** mikrozulatu produzitu eta ematea.

1. oharra: BOSek elementu horietakoren bat edo batzuk berrinprimatu beharko balitu, prezioa ezin izango da inprimaketa arrunta baino handiagoa izan.

2. oharra: kartelak eta olana mikrozulatuak egitea aukerazkoa izango da BOSentzat, kasu bakoitzean.

2. DISEINURAKO ETA ERREALIZAZIORAKO KONTUAN IZAN BEHARREKO OINARRIZKO PUNTUAK:

2.1. Publiko xedea: aldizkariak eta kartelak Bizkaiko gizarte osoari daude zuzenduta.

2.2. Irizpide orokorrak: publizitate-materialek diseinu moderno, sortzaile eta originala izan beharko dute. Diseinu erakargarri, garbi eta irakurteraza izango dute, eta irakurlearengan eragin bisual indartsu eta positiboa sorrarazi beharko dute. Eduki literarioa eta testuen idazketa musika klasikoaren sektoreari dagozkion irizpideetara egokitu beharko dira.

2.3. Diseinua eta konposizioa: proposamena osatzen duten elementu guztiek argi errespetatu eta nabarmendu beharko dute BOSen irudi korporatiboa.

- **Denboraldiaren aurrerapenak** A4ra bitarteko diseinua eta neurria izan ahal izango ditu, eta hori kasu bakoitzean zehaztuko da. Gutxienez orrialde 1, kuadriptikoa, distiradun couche paperean inprimatuta (gutxienez 150 gramokoa), 4 + 4 tintarekin.
- **Denboraldiko egitarauak** A4ra bitarteko diseinua eta neurria izan ahal izango ditu, eta hori kasu bakoitzean zehaztuko da. Gutxienez 68 orrialde, gehi azalak atzealdeko azal-hegalarekin, 4 + 4 tintarekin + azaleko bernizarekin inprimatuta, distiradun couche paperean (250 gramokoa azaletarako eta 150 gramokoa barrualderako).
- **Kartelek** 60 x 90 zentimetroko neurria izan beharko dute, couche paper matean (gutxienez, 150 gramokoa) eta 4 + 4 tintarekin inprimatuta.

- **Kanpoaldean jarriko diren olana mikrozulatuek** 320 x 275 zentimetroko neurria izan beharko dute, perimetro osoan oinkatutako olana mikrozulatuetan; zuloa izango dute 40 zentimetro bakoitzeko, eta alde bakarretik egongo dira inprimatuta. Prezioaren barruan sartzen da olana bakoitza instalatu eta erretiratzea.

2.4. Sartuta dauden kontzeptuak: lizitzaileen proposamenean, beharrezko partida guztiak sartuta daudela ulertzen da. Besteak beste, hauek: kudeaketak Arte Grafikoetako enpresekin eta enpresa fotomekanikoekin, argazki-materialaren kokapena, testuak euskarara itzultzea (hala beharko balitz), deiak, faxak, mezularitza, garraioak eta abar. Era berean, kuartrikomiako fotolitoen filmazioa dagokion neurrian, inprimatu aurretik BOSek onartu beharko dituen kolore-probekin. Egin beharreko argazki-erreportajeak aurrekontu honetatik kanpora geratzen dira, eta, beraz, BOSen alde aurreko baimena beharko dute.

2.5. Argazki eta irudien erabilera: irudiak erabiltzen direnean, BOSenak edo kontzertuetan parte hartzen duten artistek lagatakoak izan beharko dira, edo, bestela, irudi-banku bat erabili beharko da.

2.6. Lanak BOSen egoitzan ematea: publizitate-materiala BOSen egoitzan emango da zuzenean, adostutako epeen barruan.

2.7. Aurkezpena: lizitzaileek, eskaintzeekin batera, publizitate-materialen zirriborroak aurkeztu beharko dituzte, plegu hauetan aipatutako musika-egitaraua(k) hartuz gaitzat. Beste gai batzuk dituzten zirriborroak ez dira onartuko.

2.8. Diseinu irabazlearen erabilera: behin lehiaketaren irabazlea zehaztuta, lan horren diseinua BOSen jabetzakoa izatera pasatuko da, arlo guztietan.

BOSek, hala egin behar dela uste duenean, zenbait aldaketa egiteko eskatu ahal izango die egileei, batez ere testuen idazketari eta eduki literarioari dagokienez.

Aldaketa horiek egileek beraiek egin beharko dituzte. Edozelan ere, uneoro errespetatuko da diseinuaren irizpide orokorra.

BOSek beharrezko informazioa emango du publizitate-materiala osatu ahal izateko.

2.9. Zerbitzuaren zuzendaritza eta ikuskaritza: BOSek zehaztutako saila arduratuko da kontratatutako zerbitzuaren zuzendaritzaz eta ikuskaritzaz. Sail horrek argibideak eman ahal izango dizkio esleipendunari, baldin eta horrek ez badu aldaketarik sorrarazten baimendutako zerbitzuan eta argibide horiek ez badoaz plegu honetan eta gainerako kontratu-agirietan zehaztutakoaren edo indarrean dauden legezko xedapenen aurka.

3. ERANSKINA

Aitorpen erantzulerako eredia

..... jaunak/andreak (NAN zk.:), neure izenean edo
..... enpresaren ordezkari legez (helbidea:; eta IFZ zk.:
.....),

HONAKO AITORPEN ERANTZULEA EGITEN DUT:

Nik edo nik ordezkutzen dudanak, Sektore Publikoko Kontratuen 30/2007 Legeko 49. artikularekin bat etorriz, ez daukagu kontratatzeko inolako debekurik. Berariaz ulertzen dugu inguruabarren adierazpen honetan indarrean dauden xedapenek ezarritako zerga eta Gizarte Segurantzarekiko betebeharrak beteta ditugula. Ezaugarri horiek justifikatzeko egiaztagiriak kontratua formalizatu aurretik aurkezteko konpromisoa hartzen dut, esleipena nire izenean egiten bada.

....., 20.....(e)koaren(e)(a)

Sin.:

Enpresaren zigilua: